

二知軒詩續鈔

二知軒詩續鈔卷二

定遠方濬頤子箴

古今體詩一百一十九首

丙寅五月
至十二月

寄子嚴弟卽和其贈林綬卿

述謝

觀察韻

自我宦嶺南客至方舉觥問胡醉兀兀百感胸中紫與

弟七年別通訊憑管城日盼天際雁飛鳴下簾旌那如

間道速一葉浮東瀛

近寄家書
皆掛海舶

昨得贈友詩令我歡顏

生頗有雄直氣亦露真性情中敘粵風俗空洞靡遁形

林君本強幹高涼來福星登車在何時綠柳嘸春鷓

綬卿

於二月
南下

朗吟再三過豈異聯牀聽

疇昔行人司折衝樽俎間於今大和會溥海偕瞻天

熙朝二百載疊矩重規懸人存政斯舉守經兼達權惟
其崇禮教所以殊貊蠻不見于羽舞七旬格苗頑在德
弗在險何地無仁賢釐然正官常著論嚴辨姦富強於
此基威力奚取焉東南困轉輸摻括竭茅闕西北邊患
亟枕戈士不眠守令簡循良慈惠勤昭宣精兵一當百
盾公奏目前千營矢藏箠萬隴禾捺脊旁觀自沮喪莫
敢誇貨泉

外國近有
旁觀論

故鄉曷不歸華堂已非舊我家泊水濱七葉詩書胃
生少小日阿叔謂標秀西軒籜一燈孜孜樂造就教以

作文法次第判先後昆季八九人待我洵獨厚阿弟生
最遲白眉不期返以我爲識途把卷正疑謬家雞故應
愛漫逐海上臭迴翔鳳閣內兄慙作領袖猶憶乙卯春
重去聽宮漏銜悲與叔別風雨助淒颯祖宗勩業艱留
貽邦族懋吁嗟值多故謁蹶且匡救彈丸起鬪爭遑論
地廣袤外侮由內訌賤貧欺貴富傷哉成永訣室廬竟
顛覆老成日凋喪流離及童幼爾我蒙庇蔭竊祿安哺
穀我如箭在弦力弱強控轂君猶玉出璞良工詫希覯
躊躇思故鄉草肥柘桑瘦

炎荒苦鬱蒸夢想蓬萊宮逍遙鸞鳳儔可許還追從山

川縱睽隔心境鮮異同喜君擴見聞浩瀚逾八鴻顧盼
到臺省委蛇勿遽忽升沈有定數長作信天翁鹽官簿
書少歌詠西園中變態任浮雲獨立揚清風須知洪纖
響難越昆侖筒樸語耐尋味翦刻啗翠紅天衢好騰蹕
願爲神智驄不負滿腹書晶望超郝隆

奉送郭筠仙撫軍 內召北上八首

中興人物楚材多堅白如公不涅磨登進驂駟驅害馬
拔除稂莠長嘉禾清操砥礪浮邱石 渥澤沾濡太液
波旌節朝天踰五嶺玉堂重到有東坡

早參戎幕灌嬰城旋入漁陽上將營賀監獨能知李白

平原曾未識毛生，暫辭鞭鳳咎鸞侶。來聽晨旂暮角聲，
三十六灣秋月好，便拋宮錦踏歌行。

纔見雲歸又出山，要勇霖雨濟時艱。疏通民氣勤求瘼，
振馭戎行力起孱。治績希蹤陶宋後，功名繼武葉韓間。
萬人引領瞻霄漢，槐坂松喬迥莫攀。

鳴張餘孽乞援師，一片丹忱 聖主知自是公忠無眵。
臧果然掃盪固藩籬，白衣變態天邊幻，赤舄儀型海上。
思腹本如囊，堪忍事口鋒舌劍亦何裨。

追逐雲龍已十年，春風小草荷恩偏。
九弟大兒昔皆受業於公劇

慙鐵柱膺高選，都服金臺冠衆賢。剖析豪芒規遠大，研

窮底蘊徹中邊通儒矢口皆經濟豈獨鴻文媿馬遷

襄樊負弩儼先驅

庚申春願先公出都

七澤三湘攬壯圖遮道

尙聞要泰業入山自分作潛夫書傳粵嶠風塵遠門掩
羅江境地孤忠義一編關運會於今大雅仗輪扶

草堂猿鶴不須嘲身繫安危蹇二爻輸轉人疑泉出地
禱祈天與稼盈郊下車歐嶺銷鋒鏑返旆程鄉止錫饒
幾載辛勞靖南服頌聲環起白雲坳

洞開城府豁胸襟聽鼓頻年矩範欽剛斷動思持大體
坦夷從不設成心卽看步上丹墀峻莫漫歸採玉筍
深指日望隆三獨座祝融天柱共崎崟

過鄭仙祠贈丁雨生

日昌

都轉

破浪乘風至

君航海來粵

使君殊壯哉卑栖厭塵土兀冪倚

瓊臺肯共秦皇語甯非用世才神仙此豪傑仰止白雲

隈

當代推劉晏經綸竇過之上書辭節鉞橫海靖蛟螭

君先

備兵上海中外帖然相安

朗澈心如鏡艱難鬣已絲爭先唯一著國

手救殘棋

鱷魚驅不盡千載憶韓公大局安危繫斯民直道同機

關分得失信義矢初終庶下誇飛走能無五伎窮

忽驚時序換晴雪木棉飛樓迥移樽酌山空解帶圍清

幽竟忘暑醕酌不思歸自笑疲駑甚何時去絡鞿

筠仙撫軍以荔灣話別圖索題卽用東坡四月十

一日初食荔枝韻

枝頭鳥勸提壺盧有酒一沃詩腸枯紅雲照徹半塘水

兀兀底向塵中驅柳波風起吹巾襦鷺潭雨過涼生膚

羣賢超出竹林上

圖中之客乃王少鶴吳子敦丁爾生何自英陳蘭甫古樵六君子公作

主人命古樵繪此圖

勵志學古皆暖姝我公清節曠代無去思永

繫天南隅故園秋瓜入夢寐

公留別詩有故園夢寐見秋瓜之句

格律靜

細刪豪麤快登雪閣欵賓從銷夏不假陰泉珠冰漿玉

液惹離緒北地遜此芬且腴仙人驂鸞朝絳闕行行肯

懸霜下鱸寄聲閉門陳正字更爲菊坡添畫圖
五月十六日同
人於菊坡樓
餞公政及之

許晉笙用西法爲曹蕪溪寫真戲題短句

云何鏡象直以水繪惟妙惟肖筆墨都廢傲睨風塵狂
奴故態相視而笑幻泡之內

招何白英
國琛 蔣叔起 趙伯
兩同年楊理菴
泰亨

吉士飲於碧玲壠館白英詩先成卽次其韻

五羊城中金碧麗豈獨西園數弓地故交新從海上來
先爲荔枝拚一醉白頭何遜劇清高篋裏但存羊續被
依戀庭幃卻符竹親調甘旨屏薜蘿醉官奉母住京洛

芝蘭挺秀滿階次左民右戶羣見推忽解朝衣成傲吏

同諧唯君邁等倫品望直儕劉允濟去年銜恤歸餘杭

六橋無心賞煙翠湘鄉幕府羅英豪

白英理菴皆隨蔣樵軍入粵骨

力邁然去姿媚莊生濟物旨微渺坡公省事法奇祕燕

臺舊侶重盍簪

叔起權廣州府事

粵嶠雄風乍張幟天涯聚首

各老蒼且舒懷抱收涕淚彭殤壽天一例看曠達逍遙

釋愁思

白英復有西河之痛故以此慰之

人創中年半哀樂邯鄲夢境

分明記前定本難逃氣數不朽何曾論名位笑它萬物

日傾軋懵懂那識天公意脫略形迹吐肺肝辭韻昭宣

化沈隄世局勞勞打劫爭宦場擾擾牽絲戲綠陰當午

解炎歎此境足令夏蟲避興發狂吟無顧忌乾坤逆旅
原如寄

六月初五日薊溪爾欽芸湖雲門小集西園太常

仙蝶適至歌以紀異

忠魂依戀日月光羽化乃在寅清堂璇源玉水任徜徉
幾時仙躅離容臺迢遙想爲羅浮來翩然飛落雲峰隈
葛仙衣變如輪翅南海蒲帆偕表異鬱栖烏足非其類
朱明洞口春光好五色煊爛闢華藻都笑黃冠道人老
安期招汝羊石游乘風一霎過靈洲篁端蕙隙誰與儔
識得蓬瀛舊詞客豎指俄看鬚拍拍

仙蝶撲窗而入集
芸湖之手願盼自

如方欲以酒酬之俟爾飛去來本無蹤去無迹蝶兮蝶兮洵有綠苔

時髮鬢今華顛燕山粵嶠相周旋靈竒迥殊梁祝倫天

涯游子談津津化酒爲水神乎神蕪溪言鬢見仙蝶以

成六客堂中曾戾止先通奉公守吳興日冊載光陰若

流水令我滿腔雜悲喜安得同返春明門花時韋杜開

芳樽夢園從此稱蝶園

芸湖招同薌溪爾欽雲門遊海山仙館時薌溪爾

欽將北歸

白鷺潭遠須趁潮不如西出龍津橋逡巡已入花世界

風裳水佩魂爲銷絳羅縱返紅雲島萬柄芙蓉香正好

主人夜宿荔灣上

謂芸湖

多恐賓朋張蓋早雲門貪睡駒

在門讓我雪閣朝霞吞海山無山恣凭眺隔岸湧現青
螺痕水松陰陰翡翠虬藤花學外幽徑迷紫微更比水
芝黠宛然罨畫江南谿碧瑣亭子傍湖築十五年來舊
游續有客機舟眠不起

謂薊溪

離情濃似杯中醪冷曹著

奇得馮子要攝乾坤歸鏡裏放翁團扇費丹青那及金

銀鐸作水

爾欲學鏡繪於許晉笙已竟其術近撫已像與晉笙像列扇頭晉笙作序誌別鄉里

人推馬少游欸段足傲新息侯樓臺過眼皆陳迹花隴
於今可屬劉漫勞抵掌論興廢綠暗紅稀都有態一載
勾留怕言別海國逍遙容我輩未餞行人先餞夏其奈

偷閑難卜夜忽地高空火織收雨珠亂落秋千架雷車
轟轟喧半塘小田園畔蓑笠忙此行畢竟負蘇舸

園中舟名

何日再探鷗鷺鄉

恢垣寄示與林子隅

直

太守倡和疊韻詩十二章

中論土客之事居多予亦次韻答之

李侯坐舉比大力迴顏風託根在澗壑孤幹撐鴻濛學
行足楷模今之關子東憑欄發高唱上應黃鍾宮歸田
肯道遙兀抱畎畝忠土客禍未靖日盼江邊旛重輕審
時勢準量權所宗乾坤息戰爭生機太和融斯民鮮疾
苦老夫嘯歌雒原田去蕘稗陸澤蕃葭蓬拄杖行樂郊

景象清臚瞳

太守本華胄從戎到炎鄙曩聞雄州役呼咤鼓聲死初
疑偉丈夫揮戈刺句始厥兒乃俊雅翛然脫塵滓風雲
鬱壯懷子隅有壯懷堂詩集奮腕蛟龍起堂堂正正師動合孫吳
旨平時弗訓練誰歟主張是詞鋒銳莫當有似徐娘匕
我知渡河日可搦舟中指

端溪築壇坵再振南園風拂衣上天湖山名踏破雲冥濛

俗子傍門戶慣欲偷江東譬猶教坊伎按譜諧羽宮塗
抹亂妍媸貢諛遑聽忠紛紛見敵走怕遭黃蓋艦軍中
吟競病壯哉曹景宗飛霜積雪句木華讓張融短兵驟

相接震迅角兩雄鏗鏘萬鈞動知必非茅蓬開函訝陸
離光芒射昏曠

乞靈向簡編末由化蒙鄙無怪儻與忽竟繫渾沌死嗟
余少荒嬉展卷昧四始及長好吟咏其如墮囂滓偏仄
方寸間勾引愁緒起發爲不平鳴刻露渺淵旨揶揄信
難免或曰姑舍是古人皆名醫刀圭乞方七至巧運一
心奚假工僱指

君子用德化捷於草上風陰崖一披拂颯爽穿迷濛不
有鵬圖南曷爲梟徙東緬懷鵠殼世貝殼垂僞宮楮居
原無猜悃欵朴以忠奔騰萬人海千櫓森艦臚瀆厥構

數由失計投強宗怨毒入人深癥瘕堅莫融井里成敵
國搏噬彌健雄哀鴻滿野飛飄飄伴轉蓬明者見未然
孰爲尋三窟

問客何自來蔓延擾西鄙尋仇互報復饑飽咸欲死潮
嘉匪異域區分誤於始方謂判畦畛可以涅無滓抑知
同室內戈矛有時起聯和屢渝盟謠詭乖義旨江河歎
日下滔滔者皆是殺氣纏郊原泉府耗五匕因循釀禍
亂重煩旌旆指

蟻螻至細微春雨還磴風荆棘憚剪除岡阜俄綿濛不
見夸娥子負山眞朔東安得普摧伏兵下脩羅宮牧令

果循良漸摩民作忠豈至羚羊峽頻年驅戰艦粵俗素
喜關大戶凌衰宗肝膽旣楚越水乳遑交融雖云客民
虐究輸土著雄氛壓蔽天暗莫辨麻與蓬會看撥雲霧
跳轉日月暈

流離數萬衆散遣踰邊鄙沿途劫掠之不若沙場死願
合不願分慎終宜慮始予以自新路感激濯垢滓未剿
遠言撫反覆變端起我思杜元凱奇兵用周旨擒賊先
擒王樞紐在乎是漫矜匹夫勇圖窮方見七帷幄默運
籌儼同樽使指

藍山界兩邑

英德陽山

虎穴揚腥風訛從庚申夏載歌零雨

濛走也魏不才備兵嶺南東側聞議封禁勿留一畝宮
亟向大府言救陳效愚忠防兵弗爲少陸營水則腫此
間豈荒徼肉角馴毛宗何如任闢壑巖嶂春膏融久之
八排徭人地名外立致千夫雄不然戍卒撤依舊迷榛蓬旁
人笑管窺那有如鏡瞳

嗟彼客籍民奚必盡頑鄙夫唯猛濟竄火烈乃免死在
者肆荼毒土民實禍始鐘聲云胡嘯其中雜銅滓上蒼
固仁厚坑降臯白起殷頑利用遷片語探要旨君曰使
就佃所論亦良是竊恐博陵郡無人容挾七移居擇官
地斯爲正法指

西園近無俚恍降毗嵐風故人將北歸

謂曹蕪溪
為爾欽

並轡

馳紫濛偏作滬瀆游遠泛滄溟東藥洲老詞伯

謂劉抗
融齋

疏甘泉宮自維蒲柳衰莫罄葵藿忠舊雨日以稀徬徨

送征艫角巾更瀟散邈矣郭林宗獨坐傷別離熱腸冰

雪融慷慨鼓吟興若爲談英雄軒窗頗自豪今年竹如

蓬縱誇束筍多難逃紫電瞳

予以詩鈔丐
懷垣作序

賞子瑰麗詞

按園寄贈
駉體序文

覺我殊陋鄙能令蠹魚活敢道

科斗死坡公論非誣識字憂患始冲舉鞅埃盛淨絕丹

崖泮松杉作垣墉白雲當戶起了無寵辱驚獨契濠上

旨故溪深可釣蓑笠歸來是安樂卽神仙底須調玉七

冥心任元化天地渺一指

疊前韻贈叔起

天孫七襄雲錦麗珠璣萬斛泉涌地十年攻苦五車讀
百家肴簞六經醉處世莫羞毛遂囊招賢願製孟宗被
一線再頰然後纈九牌八漿絕無糲鬱律蛟龍驅挽下
爛爛星宿羅削次賦歸去來彭澤令人寥天一漆園吏
沈潛猶如面壁參猛決慣作焚舟濟便騎香象挂羚羊
或掣鯨魚看翡翠羽訇鐘鼓元氣暢悠揚絲竹遲聲媚
是唯徵實非蹈空自爾騁妍復抽祕乾嘉以降論作者
蘇黃而外樹一幟晨窗嗻呀和鶯曉夜榻雕按乾蠟淚

消寒昔未繼芳躅

曩在京師君與諸同人消寒分詠予未得預

納涼今又速

歌思

君和章敏捷

子通志節何慷慨德源圖史能強記名流

推賞匹劉顯筆鋒狂縱埒孫位潘山韓江起謳誦隱囊
紗帽饒古意使君一到春有腳天教五管民不隳漫因
薄領廢談詠聊將風月供嘲戲指揮玉帳千騎屯角逐
沙場三舍避騷壇鼓勇若黃忌將軍足任邊陲寄

求仙七疊前韻

萬事了不問任吹馬耳風化人有根邸初祖尊茅濛朝
躡華岳顛夕浮碧海東嗤彼螻蟻輩羣趨大槐宮宇宙
何勞勞責孝兼課忠朽索馭奔馬短篙撐長艫掉頭去

塵世言尋白雲宗勝負皆欣然喪手看盛融澹定完其
天守雌信知雄散髮弄烟水奮袂凌方蓬一卧九千年
吞氣還青瞳

擾攘名利途一智乃百鄙伊誰龍虎馴除是三蟲死聰
明主關鏡光耀乘紫始呼吸闔闔風埽盪太清洋功成
朝絳闕鴻翔亦鸞起牝谷中含虛伯陽圃幽旨蘇君偶
來歸可憐城郭是貽我九還丹三更偕舉七御訝梵天
內文殊怕鳴指

吳子序

嘉賓

前輩同年詩文遺集刊成令弟子登

嘉善

太史屬題卽步集中東陽巖詩韻

窮經紹絕學抗節完正氣坎珂卒成名剛大塞天地留
此不朽業哲弟手編次訓詁賅義蘊敷陳審時勢大力
啟祕扃創獲出新意疇昔金閨彥謾諫遭擯棄嘯歌向
穹廡文采照遐裔提撕醒愚蒙儒釋區品類班禪倘見
之稽首合趨避集中有和蔣厚甫蒙古人自西藏迎班禪歸庫倫四十韻陰霾四披
豁幽險兩鑿絕歸去壺公巖行吟常擁鼻嶽崎磊落人
彼蒼艱位置頻瞻弧矢發未覩天狼墜荆揚寇氛熾江
海日騰沸還鄉誓報國北望垂涕泗怵惕老兵語猶如
在僧寺集中有述志呈仲文讀書山寺詩彷徨溪山側捍衛干戈際骨
肉痛死綏火燔到經笥見集中家難記五年與賊讐韜鈴運智

慧亂定且樂饑盱水清若泌故人湘鄉侯

謂滌筆
相國

東南

倚匡濟表揚粉榆烈激厲鴻鵠志先生曰罷休勿再一

官累白頭作經生荷甲讀肯廢良知宗陽明出處洵岸

異終罹鋒鏑劫早悟泡幻寄

甲子春寇復陷南
豐先生以身殉之

哀風動

柏杉

先生居柏溪其西鄉
則杉溪皆不從賊

走告駭婦穉綽楔光門閭叢

殘富文字西園重展巷昏眸儵開翳鷺湖鹿洞外奮起

關荒穢奈何觸颺輪便戡垂天翅名教資扶持士林足

培慨廿載傷永訣五管踈秋思廬山高入雲景仰不能

至

得厲伯符

雲官

方伯書賦寄二首

春明舊雨如君少十八年來一面難黃鵠磯邊方擁旆
綠楊城外又垂竿車爭上坂辭迂道船早收帆避急湍
記否相攜游杜曲玉缸頃倒夜闌珊

可能煮海救瘡痍建樹蹉跎鬢已絲不朽千秋虛抱負

就荒三徑阻歸期酣歌香浦潮平後夢想紅橋月滿時

才老

謂吳蓮芬同年

近聞殊攫鑠嶺南底事雁飛遲

去年黃小園觀察到

粵云蓮翁有書相寄至今未到

寄徐孟卿

志導

觀察時返揚州

去年君在夜郎來珊珊瘦骨如凍梅使我相見不相識
五月一把西園杯憶昔瀟飲黃金臺舍人意態殊雄恢

談兵虎帳倚長劍道路蹴踏驂騑開上谷四野甘棠栽
召父杜母民皆孩繡衣持節行萬里烏撒未靖烽火災
牂柯江邊往復回支離卧牀藥鼎煨有緣奉使到南海
宛若得雨生枯荄爲言頻年病纏絃宦味已淡名心灰

六榕寺遠

君由六榕寺移居
關帝廟在署西偏

卜鄰近納涼養茗時追陪

世間何地非叩喙太息福萌旋禍胎林逋詩意善領畧
松竹慣結閒中媒黃岑插天高磊嵬度嶺儀舟湘水隈
尺書迢遞附賓雁打鼓揚帆歸思催急流勇退洵壯哉
先生自處材不材二分明月總無恙蜀岡照冷青莓苔
量珠束雪未易才玉山遜此白皚皚無聊且讀貨殖傳

陶朱千古稱奇佞

答來書意

燕雀在羅雉入罟故應戀棧忘

駑駘乾坤到處可流寓謾云故里生蒿萊詩酒肆兀還

毡毳狂興那顧俗子咱我知腴腳陡然健隨風唾出皆

瓊瑰厲園

君寓伯符園中

蹤迹希王裴舉觴獨少濠梁崔會須

明歲別炎嶠去訪淮東蒼翠堆

送汪柳門

鳴鑾

吉士北上卽次見贈詩韻

萬里青雲早致身詞人占籍聖湖濱飽餐丹荔炎荒地

歸作長楊侍從臣石骨峻嶒轅馬困浪花洶湧海鷗馴

君往返皆由海上

輪君白嶽明年到

君擬返休甯原籍一行

何日濠梁理

釣綸

回首蓬山似夢中
太平潤色讓羣公
文章摹仿元和體
才力追攀正始風
畢竟取神非襲貌
自然異曲轉同工
相期揮灑如椽筆
一掃浮煙漲墨空

玉簪花和子聽韻

花田釵朵細如鍼
那及天孫墮地簪
澹過鹿蔥塵不染
潤於龍蕊露初禁
笑它鮫紫輝雙鬢
愛爾檀黃綴寸心
雅稱瓊閨秋插戴
步搖聲遠和霜砧

臧人羞學晚來香

京師晚香玉一種其品最下

綠掌翻風獨送涼
金

雀三層賦王建
玉鸞九色夢同昌
更無雪魄冰姿麗
底用文犀玳瑁妝
說與素娥魂欲斷
紅衣昨夜卸蓮塘

江漲四首和恢垣韻

雨助陽侯虐奔湍入市流帆檣高過屋城郭小如甌波
撼江干樹人喧陸地舟牂柯支派大難用白圭謀

錦水漫空長聲隨霹靂來蛟蹲湘峽洞龍下定山臺雲
暮晝先暝風濤淒以哀頂湖愁欲泛羲馭幾時迴

野老方懸耒村氓盡徙塵遙知鬱江岸爭泊桂林船憫
爾鼉生鼉憑它螭涸川一吹周穆笛黑蜮海中眠

昨聞淮怒漲做鄉今年亦大水寇退士仍懼蛟鱷都騰沸隄垣

孰捍防鄉心催夢遠宦味共秋涼獨羨星巖客清吟
昧茫

子隅作四十臯言七章恢垣感而和之索予同作

亦次原韻

墮地休誇前一亥

子隅丁亥生
予乙亥生

嶺嶠蹉跎方待臯久違

臺省溷塵俗薑桂共如性難改茫茫宦海多風濤何日
泉搏侶陶宰嗚呼一歌兮歌始興梧桐不落冬猶青

昔我四十在鄉里白晝豺狼竄郊鄙東南寇盜劫運開
無數英雄鋒鏑死跪辭瀧岡淚雨流揮鞭北去渡淮水
嗚呼二歌兮歌忽縱邯鄲再續黃梁夢

長安乞米妻卧病絮語彌留見真性兒啼女哭摧肺肝
湧起愁雲埋月鏡家山烽火阻行旅二千里外未歸殯

嗚呼三歌兮歌轉哀七年負汝炎荒來

雁行中斷

謂子應四弟

十載餘弱息

謂六姪女

近隨伯氏居一門

四代復團聚鰥生倏已成老夫荆塗往事不堪說厲聲

罵賊刀刺膚

賊陷懷遠弟婦林抗節死之

嗚呼四歌兮歌正放樓臺

灰燼冶谿上

吾家仲女男兒強濫如朝露引恨長夜臺奉母嫠作伴

黃葉打庵門徑荒天南小妹倘相見

四女阿秀於去冬殤

輪迴地

下同跋望嗚呼五歌兮歌未希從戎有盾披弓衣

謂孫仲山

西園悶損無朋倚泣送季父珠江頭

八叔父就養吳門

幾載相

依違相別進退維谷添隱憂旌幢戢戢督八州那若伏

處天爵脩嗚呼六歌兮歌乍歇涼颼捲地芭蕉裂

人到中年樂哀半此身底爲浮名絆大千形影泡幻寄
萬古文章寰宇爛傷離感逝何激昂任爾挪揄嘲浪漫
嗚呼七歌兮歌渠央觀心且入清虛堂

和雲生泛海卽景見懷原韻

壯哉滄溟游睨曉豪氣吐渺不見乾坤高下浪花舞火
輪奪天工風力暗中鼓化狐作舟楫對此首應俯有容

乘槎迴

斌友松奉使海上
諸國行八萬餘里

雪海快先睹

友松言八月泛
海一夕海水忽

光明如雪舟中人
皆詫謂從來未有混茫孰疏鑿堪傲神禹斧令我詩膽

雄解后得今兩君曷過訪之

友松已航
海入都

抵掌話檐魯

蠅虎詩和子隅韻

原序云壁上見兩蠅虎鬪逾時不輟繼而數蠅
虎至意各有所袒漸成不解之勢林子爲驅散
之感而賦此錄視恢垣並邀同作

微物竊大名山君先齒寒傾軋爲口腹同類開爭端劇
憐十步飛動輒遭鉤鋏以彼癡營營觀茲猛桓桓藉非
託驥髮祇合充蝗餐

蠅虎一名蠅蝗

一虎獨捕蠅未必羣虎歡

負嵎憤欲抗列陣殊堅完么麼黨羽分豪橫奚畏難強
鄰歷境至距躍生死拌倏怒目舒爪

蠅虎鬪邊有雙肉爪

嚴稱戈

比干蚺螭遜雄傑逞威在尻體赫然盛屯圍葢爾聯成

團就中將軍誰誓師來登壇疏屬儘堪用擁矛尊田單
虎與虎寇讐涼州曲易闌蒼崖嘯風子百獸云駭殫剛
於越棘刺迅過隋珠彈奪食生禍胎憑欄同浩歎蟲兵
昧紀律憂鬱壯士肝丹砂不可得竟爾相摧殘智者擇
地居從容避危竿蠖喻兩角鬪鷓鴣一枝安黑衣胡通
靈露臺天宇寬卽小以喻大清辯如翻瀾願虎且罷戰
有人牆立觀

和子隅秋霖五十韻

炎荒秋暑盛火織挂乾絡野聞農夫杏樹斷鳥聲樂七
巖仍歛蒸雙峽共沸燼亟思曜靈藏冥想列缺搏狂生

虎穴嘯邃啟龍宮鑰蜿蜒凌丹霄颺颺撼翠嶠四圍風
有竅萬疊雲如膜剛欣石燕飛頓解陽烏虐霞霽甫滲
漉黝儵俄霰霍訇破六丁降莽貫千里掠鼎湖愁瀾漫
硯洞駭崩削響喧勒竹叢徹冷扶桑萼遠浦咽暮蟬空
倉噪饑鶻田將虞水潦穀豈從天落朱髓波面浮白躡
溪頭躍那堪焦明至復爾瞋恚作厥患儼結瘕凝陰失
鍼烙昨姓今弗啓夜喜晝偏愕縱橫壁上蝸游泳海濱
鮐嬰羿長俯鳴神虬互蟠攫盆訝空際翻燭笑暗中摸
商節殊淒然咎徵恆雨若萍號大逞威罕漫靡止泊南
交東作勤一歲兩造穫碧翁灌醜齟赤子荷銚鉏霖霖

反爲病本業鮮所託未登吸江亭且陟挾天閣奔騰大
小湘牽挽高下笮側耳胡酸嘶開眸劇驚攫動招勃戾
災矣但行路惡當康竟不前勝遇誰敢縛濁霧吞雌虹
漲潭鼓潛鰐緬懷太平世津潤自溥博所期一犁足毋
爽三日約曰靈鄘土歌呼爛同州譙銀索及玉竿填坑
還滿壑矧茲土客闕久矣亂離瘼雖無霜刺膚可奈泥
沒腳壯士洗兵馬元戎觴勇爵隊隊弓垂囊紛紛手加
額穹蒼豁昏霾蠻嶠息剗鑿候纔搗砧屈力尙鞭石弱
李侯坐臚堂林子欵烏幕鏗銅肆鼉吼矯健雄豹躩再
接方再厲九攻亦九卻晦冥逢蕭辰刻鏤窮笏寔嬾觀

柯山棋姑就菊圃酌殘滴胃疏樞清音和宵柝兩君爭
唱訓獨我感離索報之淮南篇嗜味甘厚腍

子隅恢垣迫和阮文達公藤鼓詩韻予亦同作

有明韓襄毅督師平大藤茲藤徑十圍夜渡猶緣縷八
寨龍山通蛇豕齊價興惟公秉節鉞風骨儕孔丞指揮
誅藤妖姦民罔不懲規之卽成鼓命匠施鉤繩歡呼動
天地曰鑿變而鑿匹伍大將旗匪徒繞獨勝牽客競羅
拜設險嗟何曾再衰復三竭焉敢尋仇仍藤兮亦反正
絕迹青稜層天下無棄材化工奚愛憎是爲羣首長豈
威讐訶陵但須軍士搥底用張安凌一鼓四百年過眼

如風鏗干戈靖蠻嶠黔黎得福恆聽此聲籠銅抗懷經
武能詩人在端州古調追儀徵我慙布鼓持未許雷門
登側身向西矚碧霄氛祲澄

和子隅謝恢垣以鳳仙花見貽詩韻

家園昔數鶴頂強

吾鄉鳳仙花以
鶴頂紅爲極品

色如鸞枝開獨長草

中之花最上品託根丹穴超衆芳兒時終日走庭院蒼

頭卻道書生狂雜冠羸蒙金雀細福襪胡蝶

花名
鳳雛當

衍然忽露黃鵠背

子由詩萱草早欲
開衍然黃鵠背

瓦盆石竹鷲毛妝

鳳兮絢采異凡種呼之欲出鳴上翔而今西園太塵俗
海蘊無暇揆炎方新詩突過晏元獻倚闌對花泉可湘

歌成泪客轉含笑姿態儼泛瑤池觴

改長春仙館爲菊坡精舍疊前韻

讀書人比求仙強維三不朽真延長文山珍重菊坡樣

文文山云菊坡天人文溪菊坡
樣人菊坡不可作已願見文溪天南晚節標孤芳安期

先生返瑤嶽虎豹四竄鯨鯢狂小中調語那足信守門

可笑唯顛當紅棉寺外鬧春色妍麗競誇時世妝豈若

秋容澹相對巖栖肯逐鴻雁翔高以下基一簣覆斯爲

儒者修治方西湖訪經制堪仿敦詩說禮推熊湘倉沮

二史暗接引添祀倉頡沮誦
於桂香閣下蒼古何必探謨觴

和子隅食魚生詩韻

嘉魚我聞出雙峽今讀君詩副所乏不鯖不膾但啖生
昌黎南食意頗州爽然冰雪沁齒牙候爾瓊琳吐得矜
形如鯉鱠實則鮠略仿古人滄玉法曩時借客觴燕臺
最苦日入甫烹胛酒家云有急就章只用鸞刀紛指指

京師紹興酒肆亦擅此法

鮠生下車已流涎夕陽深巷青帘插嶺南

豪士閒華筵樽俎駢羅蛟蜃呷酒闌亦復進此味惹得
歌童卸銀甲肥膿煎炙火候誇病從口入膽先怯笑它

熊掌半月熟

蕭薊泉昔以熊掌餉予云半月始熟

咄嗟可辦八珍壓堆盤

更憶淮濱蝦

吾鄉喜食生蝦

美過黃雞與白鴨端溪此日壇坫

雄伐鼓撞鐘互闔輪爲補食單瓶新詠旁徵曲引何博

浴波瀾壯闊吞江湖

恢垣於和韻外更作十七浴全韻詩

以意運詞乃不

踰雙弓米又調成糜斗覺寒消冬欲筵

月蝕和恢垣韻

碧霄那有長圓月借日之光滿則缺當衝不合成闕虛
惆悵緜阿能事畢廣寒宮闕輝四隅如鉤如盤見者殊
天銀滉漾色頓變蘇摩結璘下殿趨得毋鴛樹偶生瘦
或是蓑衣障金餅西方黑月入中原迷漫遮斷秋蟾影
怪底晶輪全墨墨匪等饑青與旱赤昨宵端正出東溟
破壁搥環吁可惜自戍迄亥纔回光依然地上白于霜
難逃此劫宋無忌玉仙魄凍肌骨涼癡慕吞吐駭衆目

手把天戈盪昏濁帝命八萬三千戶頃刻琉璃瓦重覆
穹蒼主持造化柄足使陰邪懾威令放還穴鼻追晨晷
腫隴披豁乾坤淨唐宮擊柝傳至今禮重夜明營域崇
寸鐵一劃天盲開此意何嘗背宣聖素娥后庭復歸來
俯瞰海底日轂推積陰水氣已蒸熱慧炬掃落風中焰
龍虎鳥龜策疲懈赤心封辭申誥誠爽秋胡亦似頑冬
災疹引作深宮戒鍊魂記取陽精經八朗玉池芒最明
旌幢洞府天人會鴻脯餐完朝上清

和子隅以子規藤杖壽恢垣用東坡以黃子木拄

杖爲子由生日之壽韻

未老便歸田循陔樂方始高年扶杖笑差雪薜荔恥衣
冠名利場外華中痼痕一蹶每不振幾同傀儡子逍遙
遂初服傲骨胡孫倚太白詩手中
萬歲胡孫藤須知木上座堅強不
如此駕我壺公龍笑它折足几見東坡詩輕身卽神仙籬畔
有苦杞

和子隅中秋夜作韻

端溪月讓騷人賞偏我珠江負好秋步入西園忘宋冀
興來雙峽助清邁風驅雲湧詩無敵海闊天空醉可俟
下界那聞仙樂奏魚箋聊復互賡酬

和恢垣中秋夕偕兒姪登揆天閣韻

七星巖畔明如晝海底銀盤飛上天
滉漾寒輝迴玉宇
峻嶒倒影入蠻川
拓開眼界殊超曠
參透靈機總妙圓
林下僑才逾阿買
共瞻皓魄悟身前

崧臺晚眺和子隅韻

寶月登雲外

二臺皆在肇慶

穹窿讓此臺
俄看四山暝
忽擁七

星回天柱有靈藥
石門多綠苔
斗魁高並揭

斗魁蓋在石室巖

仙境顯詩才

登披雲樓和子隅韻

豁然天宇淨
邊瘴埽黃茆
試向層樓望
都歸石洞巢
波光激遠浦
山色澹秋郊
早晚端民樂
沿江息鼓鐃

和恢垣飲梅菴歸再柬子隅韻

貌躬困樊籠苦憶羊求侶兩腳青芒屨一肩黃篋篋徧
遊名山川弗計幾寒暑瘦馬嘶風霜輕舟盪州雨人間
衆香國多在清淨宇玉鱗孤鶴伴雪魄夜蟾伍繞籬樂
相羊舉盞倦揮塵頻年溷塵俗此境繫心腑讀君梅菴
詩選勝端溪土末花先訪幽得句動摹古問爾優置景
蕭然胡宋處我知佛亦笑解醉非阿堵

次韻答叔起言志

大寶得燕石千金采豨苓目不辨真僞負此方寸靈通

齋洵淹通

君詩文集
以通齋名

竟補赤縣經荒怪識獮獍瑣細箋

蝨螟

君新列麗
渡齊錄

上窮天九闔下窺地十形隨方驗銅丸

舉手捫銀釘其才足抽簞厥智逾挈瓶祕笈探二酉神

功超五丁紛紜理亂絲萌茁生枯莖昔年冠虎榜爲郎

應列星今茲駕隼旟

君歷知邑高
潮廣四郡

所蒞皆空囹送君去

朝天春帆颭風舸龍光接殿陞蠻嶠資藩屏齊年一

老友願書砥柱銘

雜感壘前韻示叔起

腐蒸樹頭菌暗長松下苓由剝而之復塊然蠢實靈蛸
鳩笑鯢鵬請讀南華經駟擾蹄涔間視龍猶蛭螟乾坤
大圓鏡萬變靡遁形險矣刀作梯危哉盾布釘市上等

懸壺井湄獨觀瓶身世可憐蟲幾人逢吉丁五角與六
張象本符天星日月所不照何地非幽囿誓將尋桃源
宛轉通漁舫終須出鳥笈底用圖貌屏一撥雲霧開四
留重著銘

叔起又以七律見貽兩和其韻報之

瘴海重聯舊雨歡心如松柏竝堅完虛聲莫震麒麟援
清望交推獬豸冠北闕露濃方湛渥南冥風急好扶搏
白慙握算持籌者亦是當年耳目官

君詩有一城難得五臺官之句謂郭

玉麓廉訪梅小巖觀察丁松亭前輩登君而頤亦濫廁其中故感而賦此

二分明月儘尋歡

君詩頗有歸志

須念黃梁夢未完將相勛名

歸戰甲書生氣習誤儒冠祝君豈止旌雙擁笑我猶然
羽十搏空谷白駒招正切肯容表聖住王官

送少鶴返粵西次蘭雨韻

鴻文獎飾到哇詞

君序拙集期許備至

獨聳烏鸞百抱枝弱植幾

會繩墨中大材還卜棟梁爲眼前舊雨無多少身外浮
雲不卽離桂水有情更東注一樽重約卸帆時

和子隅書東坡次韻伯固游蜀岡送叔師奉使嶺

表詩榻本後用卷中原韻

是本許叔舟觀察乃濟刻於寶月臺廉次

泉太守良澤
移置披雲樓

昔登平山堂聞雁不聞蟬

辛丑九月始至揚州游蜀岡

倚闌獨歌嘯

紅橋生晚煙扁舟盪月歸衲子嘲詩顛忽忽廿餘載陳
迹胷中懸我慕蘇長公望之如神仙文采照炎荒遺墨
珍後賢僅見題名碑輝映淙碧泉謂峽山寺題名擘窠仿虞褚
政寶堂額在韶州府亦坡公書瑤臺下嬋娟何當陟披雲一窺鸞鳳翩
夜夢到竹西醒來尙陶然

十一月二十八日登舟口號

鷺潭南去路迢迢

將山香山而至新會

且喜登舟避俗囂不挂蒲

帆行最穩海門纔長未時潮

泊圍涌

粵人讀若冲

書所見

青天渺片雲紅日向西墜中流大自在攤書正孤坐瞥

暗烟漲空祝融爲民禍羊城冬久旱井乾欲揚堞十日
五報災將夕怕吹埵自從禱龍神渥澤彼蒼荷降之三
日霖生機暢蔬蔌今晨甫開霽便鼓珠江柁忽疑到陸
渾炎蒸坤軸簸徬徨問長年云是陳村火城中多水車
廣州水車救火至捷奔走洵壑裸市虛力不瞻喪手任傾侈得毋
天惡盈姑息殊未可焚身自貽戚夢夢厥蟲倮樓臺倏
灰燼豐腴頓培軻蒞利實生孽此中有因果虐燄方在
前姑息凌風剗

曉望

挂上銅鉦氣自溫鱗鱗淺碧映朝曦圍成沙坦漸無海

岸有水松多是村迅利爭誇船似馬牢籠轉笑屋爲禪
臨流忽動歸田想何日柴門去負暄

林熙臣

之升

表弟航海至粵投詩四章卒卒未有

以報舟中無事次韻會之兼與論詩

泛海來登學海堂壯遊端不負駒光勞君跋涉五千里
念我睽違十二霜荆棘肯教生故土

君全家已用
山左返懷遠

葭葦

何幸聚遐方天南領略濃春景待放西園草木香

干戈轉徙猶勤學知賴吾姑荻畫傳往日讀書頻問難

諸郎同列獨稱賢

先六姑母在閩中
日好讀書每有疑義
以相質

仙班遽返

鸞舁駕壽骨新瞻雁序聯握手淒然談懿行將詩歸告

葉門邊

懸臂中鋒筆陣開雅音亦自盛唐來

子以先通奉公遺刻贈之臨摹並

課作

璠璣砥礪資良匠鷓鴣騫騰到上台明歲先廢萃

野什友朋共醉菊花杯皋蘭山下煩通訊

謂令兄遠茂村方伯

煞君家祀梓材

漫云巧速拙偏遲大似蒲團入定時西抹東塗全不肖
課虛叩宋更難期要從浩瀚汪洋境寫出纏綿繾綣思
風格性靈兼二妙古人探討有餘師

香山道中

欲尋漁父釣煙蓑冬日晴暄可脫簪岸草不枯田不凍

香蕉十里綠成林

三十日至香山卽住縣署贈楊又琴

誠明府

此地無行館憑君借一枝

城內居民向不賃屋作公廨云賃卽不利

絕殊桑

下宿來向鏡中窺

用陳良翰語

我向慙三拜人皆仰四知頗

聞民氣樂相對且舒眉

清丈沙田不日卽可舉行民無有尼之者

耕園

用方言

何茂密風景似江鄉重以廉平守可稱今信

陽有城堅過鐵是舌鼓如簧

香民好訟

畢竟絃歌好誰云馳

不張

登仁山作示又琴

鶴巢已空鶴仙去兀兀但有陳公

文龍

墓八百年來子姓

延月岡彎環山脈固老榕逢冬翠如滴疑是豐樂園中
樹我聞五桂高插天資阜支峰不知數景埒羅浮爲邑
鎮自古神仙種茶處欲往卻愁風引迴此生竟被儒冠

誤差喜七星攬其一

縣志仁山之北曰慶壽山城跨其上東南曰豐山近民居已平西曰

武山城垣跨之尚有盈山福山鳳山亦平於築城時以其羅列如星環拱縣治故名七星峯冷署冰

衙忽增趣我非狂簡亦放歌

方繩武登仁山詩有句云冰衙冷署斷經過狂簡能

來一有緣天與搏沙住長官慈祥出至性斯民競說來

放歌何暮唯君不愧居仁山仕學同源恍然悟

山陰舊有仕學臺

子隅以長律任贈次韻奉酬

不圖茶叟外

謂蒲筵同年

復得此詩人拔幟驚儕輩囊鞬任

主臣愁予才欲竭訝爾筆如神獨秉三山秀

福州三山最著能

空萬古塵七襄疏間當百鍊屈還伸文梓藏林莽幽蘭

潤澤莘國香羞自媚匠石漫輕掄况乃生華胄端宜貢

帝岡威弧光正耀投筆氣彌振羣寇犯吳越雙忠思

遠巡農氓補軍籍饑餼括商緡力戰披犀甲殊榮錫

鳳綸雷霆千里震雨露九霄勻卓犖賢公子爲郎夙夜

寅循還遭劫運歌哭念斯民允矣推翹楚洵堪荷析薪

官遷五馬貴治必二馮臻蕉荔餐盈口桃椰釀到唇凌

江旗鼓奮端水坵垣新步伐全追甫騰驥早遇歐叔慈

如玉潤公瑾比醪醑吐屬真風雅昂藏邁等倫瓊瑤相

贈答筌緒遠垂詢把盞常酣醉抽毫極爛磷

恢垣云君醉後詩更

多人歸珠海畔恢垣近月冷慙湖濱徑可窮顛頂奚庸

返菱塘

判嶺响名場馳健足官閣斜吟身頗笑爲形役仍求與
德鄰碑雖迷响嘯劍總識延津決盪摩孤壘縱橫列四

甄要知宏建樹唯在勵廉貧列子凡爲名者必廉廉斯貧閩闔扶搖

上聲名動八垠

蘭軒將返都門以四百字留別適予有沙田之役

未及報也初三日香山術齋晨起興到輒次韻

寄之

西園好吟窩梧竹四圍碧公餘輒把卷坐到斜陽赤了

無塵俗態名理耐尋繹運以靈臺光梭羅盡幾塗二三

素心友與我有同癖相將鼓豪興歌聲震羊石去年陳

山人

鑑叔

共奪東坡席

八疊東坡韻

十月茶叟至推敲彌獲

益成東儼唱

今年局陣奇仙自蓬萊謫

謂恢垣

築壇七星

巖傲我未經歷韻流端淡上響應佗城北林生

子綱

更

屈疆酒酣氣無敵孤罷勇莫當且畏食鐵縹居然嗣韓

孟堆案寸許積郵筒互往復伸紙破岑宗遂成鼎足勢

枹格邁古昔爭雄夏徂秋罕聞罷兵革不顧儉父笑聊

自適其適知音感吾子嗜癖等雞醺讀我和韻詩譽我

作詞伯曰如無縫衣難覓鍼線迹出風而人雅高渾亦

精覈使我增媿汗空疏乏典籍差信尠譚語真率吐曾
膈能以意遺辭初不溢繩尺曩時住玉堂荒廢吁可惜
羨子年正富粹厲永朝夕干將與莫邪足令萬人辟歧
趨乖正道動步卽須擇願子爲寒松柯葉不改易願子
爲大鵬雲霄奮羽翼鰲峰絕頂躋終身在鸞掖崢嶸歲
云暮遽爾離思迫恨不與子偕重踏春風陌補爲檀栢
遊麈唱動盈冊我先別子去泛泛晚潮白癡算學忠介
萬頃立分擘謂清丈沙田鐵城小淹留倏忽一旬隔我歸子
倘行誰歟拓金戟披裘枯凍毫不覺朝曦赫

初四日舟行卽景

洲未雞籠到墟先象角過樹濃春氣透

今年除夕立春

風靜水

聲和不覺歲將暮幾忘海有波曹涌軍已集

勦捕客匪

早晚

望投戈

樹臣觀察寄示廉州途中詩十二首索和兩月以

來迄未報命夜泊雞籠洲重讀一過覺此債難

完輒呼負負爰寄一詩聊以解嘲

生平不信滄浪話

滄浪詩話謂和韻最害人詩

元白濫觴開此派蘇

黃更比皮陸強東馬懸車爭險隘頑石有時點成金鈍

鐵皆可鍛作鍛直把前人窠臼翻迥非依樣葫蘆畫同

工異曲理則然谷應山鳴那足恠我來嶺南抱詩癖獨

於友朋通沆瀣裁箋濡墨竟日忙拋除酒債添詩債近
與端州兩雄鬪我師幸未倒戈敗廉江又有大敵至銜
枚竟筮天山卦隻手烏能握雙管九似須防虧一篑君
詩半從篷底出雪痕銀濤助滂湃就中最愛銅柱歌極
目邊雲發深喟方思慕坡乍蹶踣正擬穿林倏驂絳頻
年鞭算何勞勞說到開方彌憤憤裏會無三角弧迷
漫罕辨鳩溝界此時君登海角亭足與逋仙謂燕
溪通警
歎我亦放舟石岐江白頭老將勇如噲謂韓東
園太守頗頗火
速完舊逋其奈粗疏雜蕪稗若泉涌地水到渠似磁引
鍼珀拾芥專工塗澤愈形醜不闕痛癢難搔疥文字性

靈關奧窔剽竊相沿詩教壤怕貽魚目混珠誚敢忘狗
尾續貂戒牛鬼蛇神魔障祛恍聞禪棒當頭喝瓊瑤孤
負瓦礫投奚翅蒿艾亂金薤歲云莫矣請罷兵君未言
旋我行邁

舟出石岐江開文雞籠洲距縣城六十里沙田韓東園風

翔太守枉投四律次韻奉報

七年嶺外擁旌旂此日偕登海上舟要使爭端化蠻觸

自然同類感鷹鳩沿隄蕉綠遮秧畝出水蓮禾之能受鹹水者以

之名開賽荻洲猶記湟中烽火熾崗搖綏靖倚韓侯昔

任綏搖廳捍賊有功

黑赤淤墟貢賦均炎荒豈止一犁春

粵田再熟

先之蔓草滋

圍坦用若泥沙問水濱

連年捕捐沙田以助軍需

耕鑿漸看無蠶戶

沙夫皆屬蠶戶縱橫難辨是龍鱗輪將上體 朝廷意我愛仁

山向化民

萬寶都歸此利源本來斥鹵沐 皇恩地名外海通寰

海山接厓門走澳門惟願富饒增國課宵教荒廢等官

屯書生妙擅商高術

謂袁敦齋大令

篷背挑燈子細論

一望响响禹甸豐標竿折算法從同還憑牧令廉明治

頓息豪強攘奪風沃衍古原稱陸海障川人亦補天功

華離剖判編氓樂清白相期矢寸衷

丈田書事五首

自笑本鹽官安知理阡陌若非太陽出幾不辨南北凌

晨陟沙洲穿過蕉林碧荒荒萬稜田尚有稻根積行行

坐更寮

田中守
夜小屋

亟亟呼丈尺但憑有司照謂滿莫問沙

夫册

聞沙夫之更穀
册亦不足憑

丈田須用弓云自農部頒弓短田則長縱步難防姦易
弓而用纜對面相牽攀一纜卽百尺東西頻往還三百

畝有奇畢之兩時問

番番韓太守髦髦袁大令

祖安

跟蹌隴上趨不畏地寥

夏韓君向我言娓娓殊可聽昔丈新甯田甫能識蹊徑

崎零勿少遺釐然經界正我慮弓丈手倉卒受欺慄哀

君曰有繩足以爲左証

每丈一纜則結繩
証之不能欺也

從此訟端息

沙棍不得橫

香民胡好訟十訟九沙坦朦朧恣影射吏胥囊橐滿往

往捐性命殺機起稽稗大戶擁膏腴目不識町疇小戶

被吞并官唯有力祖賢哉楊使君曰是不可緩更有隆

都林

謂林氏紳士
任隆都者

導引亟奮勉乃知草上風其機原易

轉

凡事不退縮皆可徐圖成矧奉 九重詔令出期必行

海瑞自然利納稅天家輕子沙匿不報毋乃非人情昨

一先車言精金 卷十一
者道旁叟偶語殊分明難得長官來永消鵝蚌爭十室
有忠信側耳神爲傾執云粵難治感召唯一誠

石岐山戲作

石岐山上蒼蠅塔聞說塔成蠅始集

俞菊士言

浮圖淨土何

受污問之如來不能答偶託驥髮致千里趨向炎荒關
殘臘局縮怕作號寒蟲痴鈍也學皈依鵠塔前無蠅誰
見之拈毫竟與禪鋒合

偶作

玻璃窗挂竹簾垂大似秋江放櫂時海霧乍消紅日出
披棉猶熱况羊皮

長吟短詠逍遙甚，若我蒼茫萬綠中。
炎嶠絕無冰雪到，蘆根唧唧有鳴蟲。

卽景口占

晴雲凝不動，粘在青天上。
望見江門山，四面渺空曠。
岡州能到否？風軟故遲遲。
難得晚潮長，添搖艣一枝。

岡州望山歌

插天峩峩綠護屏

山名

玉壺可愛冬涵渟，水邊釣臺

白沙釣處

足千古勝他鐵佛開禪局，虹橋迤南路幽邃。
四圍峭壁摩空青，聖池瀑布印天下。
白沙此語非不經，銀龍百丈振鱗爪。
蜿蜒倒挂生風霆，金蝦紅鯉作侍從。
鶴鱗噓氣

松梢腥懸崖一片鷓鴣叫采蒲樵叟攀蘿聽行行更遇
水簾隔迷漫日午天爲暝是池是潭析爲二徑搏鵬背
窺南溟奇情妙想抱琴客

鄰湛若有
雲潭記

椽筆欲向龍宮停

又東七里玉臺峙萬顆密灑珠瓏玲厥名圭峯最秀拔

肩右倚者雲亭亭

謂雲峯

匡門突兀若在掌下視甘竹

地名

猶浮萍詩人合有沈醉地瓊華洞口呼難醒山中到處
以泉勝鬼出電入通峇密安能扶杖升霞嶺豁開眼界
窮窅冥奈何躑躅江上船左顧右盼心空冷一寫孔雀
金瓶形

白沙祠四十韻

望氣占雲水真儒應運生海濱化鄒魯道統接周程遺

賤孤兒育潛心大業成目光星炯炯軀幹鐵錚錚鍵戶

夜無寐彈琴石有聲春陽

名

耽靜坐秋榜慶先登獨抱

天民學渾忘仕宦情兩番遭勒吊千里去擔簦自和陽

時韻道令邢讓驚黃門儕弟子神樂

名

集公卿北部皆

稱異中原早著名室規廬阜小窗映玉壺

名

澂白鹿方

辭聘金鑾候見徵一人爲國寶兩疏納韶

名

英不願

兒離母何堪弟別兄逡巡逾嶺迢遞上燕京書報慈

親病憂來未疾嬰徬徨求引退呼嚮出純誠教萃君王

賜歸田史職榮道遙殊自得去就總分明遂爾林泉老

彌彰苦節貞七旬猶擗踊九德

山名揚禹奉先生講學於此

共嶒峻

封篋黃金在危樓碧玉橫儼逢大梁孟

姜夔以爲活孟子

默契

舞雩曾

用先生語

洗盡安排障幾同戒律僧回狂終不倦託

佛亦奚曾

皆用先生詩意

寇盜知君子農商列友朋漫云諸郡

淺似議海南瓊飛躍機咸暢虛圓用至靈顏蘇參局陣

陶謝恥拘繩花鳥洪鈞答

先生句云除卻東風花鳥句更將何事答洪鈞

茅龍

野興騰

謂茅筆

彌留仍戀闕完粹永垂型已許專祠建俄

看兩廡升文恭昭美謚道學媿休稱後起嗟遲暮前徽

仰式憑風都炎嶠變人比聖池清江澍思嘉會

樓名

主峯

皆定評從公分太華

張翃和詩云我老須分太華朕旋從公處問江天

傳

世倚增城

洪甘泉始校定先生集

翩若孤山鶴

先生句云孤山鶴啄孤山月

豪

於夢澤鴈

王鳳洲曰爲豪傑之士

龍從瞻馬角

卽馬

蛻俗最高層

先生句云蛻俗如羶羊

熙臣處前韻索和予亦疊韻寄之

寒青風雨坐空堂

予現居新會西南書院

獨客難拋炳燭光爲愛

白沙無俗韻

時讀白沙集

猶如古木著清霜門前又報詩筒

至夜聞奴子破門則君詩至矣

枕上新添卻睡方

客中耽吟夜半不寐

年少明

經殊慧絕錦囊收得鷓鴣香

半園瓦礫時縈夢無限鄉心託雁傳老輩至今遺澤厚

子孫唯有讀書賢莫憂恆產十年廢差喜斯文一脈聯

丑寅兩試吾家入泮者十人碩姪與焉我欲與君商去住浮槎山畔芍陂

邊

匡門竟日霧難開閱展圖經逸興來曹幕并簪山名穿地

軸聖池瀑布抗天台何人漱玉重修社有洞鳴山待把

杯紫水黃雲如舊否宋寥今古幾真材

銀洲湖上放舟遲百頃沙頭挂纜時將於此開丈南海潮來

真壯觀西園月滿是歸期文章妙若探收出境地偏宜

對面思涉歷波濤知順逆此中消息問高師

十四日登舟漫興

我來古岡住忽忽又六日空洞一講堂相伴有書帙雖

無門戶見卻苦坐暗室

書院空堂無門無窗障以
簾幙白晝皆暗故戲及之

白沙子主靜寸心謐忍寒猶嘯歌差勝處禪蝨圭峯好
蒼翠泥湓不能出獲此忙中閒詩興反橫溢

五更破殘夢耳畔何颼颼風聲雜雨聲似欲將客留欲
留已歲莫言返江上舟篷窗劇清曠開卷皆朋儔溼雲
四山壓綠樹冬如秋自笑一官縛儼然鷹在韝倉卒負
此行未登碧玉樓

夜泊

夜泊江門海凍雲遮碧天我來已遲暮不見荔枝仙

白沙

詩云我是

荔枝仙

詩人忽狂喜月出二更晴明發盪舟去了無風浪生

詠玻璃窗和阮文達韻

交疏結綺費人功嵌上頗梨分外工高可窺天低照水
明能印月暗搪風端宜朱鳥青龍配遮莫瓊樓玉宇同
修竹好花相掩映曲房奧室轉靈通香留金鴨逾珠箔
影透文犀勝瓦瓏葱綠攙將雲母白杏黃綠以水精紅
四邊澄澈凹皆凸五色迷離實亦空往日倉山今袖海
名宛然身在畫圖中

甘竹灘

東過惶恐西昌樂人耳奔騰滂湃聲似此石磯渾見慣

直同杯水芥舟橫

山有青松岸有榕炎荒氣暝不知冬
天教點綴江村景
特地如門截兩峯

曉起大霧

迷漫也是玉乾坤徑欲乘槎到海門
低滄江心濃不散
溼粘雲腳浩無垠四圍瀕洞晨光掩
一望蒼茫水氣渾
莫道張裴能變化山中風逼遠飛翻

將至珠江口號

歸去珠江好放歌乘潮雙槩急於梭
今宵準看西園月

石壁三山

皆地名

一雲過

